

Broj:02-04-059/16
Mostar, 05.04.2016. godine

Na temelju Odluke Vlade HNK o odobravanju prodaje putničkog automobila Skupštine Hercegovačko-neretvanskog kantona, 01-1-02-342/6 od 18.02.2016. godine i Rješenja o imenovanju Komisije za provođenje postupka javnog nadmetanja–licitacije broj: 02-04-058/16 od 18.03.2016. godine, Komisija za provedbu postupka javnog nadmetanja objavljuje:

JAVNI OGLAS

za prodaju putničkog automobila u vlasništvu Skupštine HNK
javnim nadmetanjem-licitacijom putem prikupljanja zatvorenih pisanih ponuda

1.PREDMET JAVNOG OGLASA

Predmet javnog oglasa je prodaja putničkog automobila u vlasništvu Skupštine Hercegovačko-neretvanske kantona kako slijedi:

Tabela 1.

Redni broj	Marka automobila, tip i vrsta goriva	Snaga motora	Radni obim motora	Ostali podaci	Početna cijena
1.	Audi A6, Limuzina, Benzin	121 KW	2393 cm3	Boja: Plava Godište: 1998 U voznom stanju: DA Kilometraž:270 000 Nije registrirano	5.029,00 KM

2. PRAVO SUDJELOVANJA

2.1. Vozilo koje je predmet javnog nadmetanja, prodaje se ponuditelju koji je dostavio najveću cijenu za ponuđeno vozilo.

2.2. Pravo učešća na javnom nadmetanju sistemom zatvorenih ponuda imaju domaće i strane pravne i fizičke osobe, koje izvrše uplatu kaucije/jamstva u vrijednosti od 10% početne cijene vozila.

2.3. Uplata kaucije vrši se na blagajni Skupštine, ul. Jakova Baruha Španca broj 2. u Mostaru, u periodu od 05.04.2016. do 19.04.2016. godine u vremenu od 10,00 do 13,00 sati.

2.4. Zaposleni u Skupštini HNK i članovi njihove uže porodice nemaju pravo sudjelovanja na javnom nadmetanju –licitaciji.

3. NAČIN PRODAJE

3.1. Prodaja automobila vrši se metodom javnog nadmetanja-licitacije putem prikupljanja zatvorenih pisanih ponuda.

3.2. Automobil se prodaje po principu „zatečenog stanja“ tj. „viđeno-kupljeno“, što isključuje naknadna reklamiranja i prigovore/žalbe u vezi s kvalitetom i eventualnim nedostacima.

3.3. Pravo učešća na javnom nadmetanju imaju pravne i fizičke osobe, osim uposlenika Skupštine HNK i članova njihove uže porodice.

4. PREGLED VOZILA

4.1. Motorno vozilo može se pogledati na parking prostoru Skupštine, ul. Jakova Baruha Španca broj 2. u Mostaru u periodu od 05.04.2016. do 19.04.2016. godine u vremenu od 10:00 do 13:00 sati, nakon prethodne najave kontakt osobi.

4.2. Kontakt osoba je Darko Buntić, telefon broj: 036 326 162, e-mail: info@skupstina.hnz-k.ba.

5. DOSTAVLJANJE I SADRŽAJ PONUDA

5.1. Ponude se dostavljaju u zatvorenoj koverti s naznakom „NE OTVARAJ-PONUĐA-JAVNI OGLAS ZA PRODAJU AUTOMOBILA“, sa dokazom o izvršenoj uplati depozita, neposredno na protokol Skupštine HNK, Ulica Jakova Baruha Španca broj 2., 88000 Mostar. Na poleđini koverta treba naznačiti ime i prezime fizičke osobe odnosno naziv pravne osobe koja dostavlja ponudu.

5.2. Rok za dostavljanje ponuda je od 05.04.2016. do 19.04.2016. godine do 11:00 sati, na protokolu Skupštine HNK u ulici Jakova Baruha Španca broj 2, 88000 Mostar.

5.3. Sve ponude pristigle poslije naznačenog roka, bez obzira kad su poslone, kao i ponude sa ponuđenim iznosom manjim od utvrđene početne cijene, neće se uzeti u razmatranje.

5.4. Javno otvaranje ponuda uz prisustvo zainteresiranih ponuditelja održat će se 19.04.2016. godine, sa početkom u 12:00 sati u prostorijama Skupštine HNK, ulica Jakova Baruha Španca broj 2. u Mostaru.

6. Sadržaj ponude:

6.1. Ponuda treba da sadrži slijedeće elemente:

- a) ime i prezime, ime jednog roditelja, adresa i broj telefona (*ukoliko se radi o fizičkoj osobi*);
- b) ovjerena fotokopija rješenja o upisu u sudski registar, ime i prezime osobe ovlaštene za zastupanje u postupku javnog nadmetanja, adresa (*ukoliko se radi o pravnoj osobi*);
- c) iznos ponude izražene u KM;
- d) dokaz o uplati depozita

6.2. Ponuda se mora dostaviti na Obrascu za cijenu ponude koji se može preuzeti na web stranici www.skupstina-hnz-k.ba i na protokolu Skupštine HNŽ/K u ulici Jakova Baruha Španca broj 2. u Mostaru.

6.3. Ponuda mora biti potpisana od strane podnosioca, ako je podnositelj ponude pravna osoba ista mora biti potpisana od strane ovlaštene osobe u pravnoj osobi i ovjerena pečatom te pravne osobe.

6.4. Prihvatljivom se smatra svaka ponuda koja sadrži podatke iz tačke 6.1 do 6.3. i čiji je iznos jednak ili veći od početne cijene za ponuđeno vozilo.

6.5. Javno nadmetanje je punovažno i u slučaju da ponudu dostavi samo jedan prihvatljiv ponuditelj.

Ukoliko ponuda ne bude dostavljena na način kako je to opisano, smatrat će se nepotpunom i neće se razmatrati.

7. POSTUPAK LICITACIJE

7.1. Javnom otvaranju ponuda može prisustvovati ovlaštena osoba pravne/fizička osoba/ ponuditelja, uz prezentiranje ovlaštenja i identifikacijskog dokumenta. Prije otvaranja dostavljenih ponuda, javno će se saopćiti pravila javnog nadmetanja.

7.2. Predsjednik Komisije pristupa otvaranju prispjelih ponuda čiji se sadržaj unosi u listu ponuditelja koja sadrži: naziv ponuditelja, redni broj, marka i tip vozila, ponuđeni iznos i prihvatljivost ponude .

7.3. Ponude koje ne ispunjavaju uslove prihvatljivosti neće se razmatrati u daljnjem postupku licitacije.

7.4. Nakon otvaranja blagovremeno pristiglih ponuda, javno se priopćuju ponuđene cijene te utvrđuje lista ponuditelja, počevši od ponuditelja s najvišom ponuđenom cijenom.

7.5. Komisija nakon razmatranja liste ponuditelja utvrđuje najpovoljnijeg ponuditelja za vozilo koje je predmet javnog nadmetanja o čemu usmeno obavještava prisutne ponuditelje. Predsjednik Komisije proglašava pobjednika javnog nadmetanja- licitacije koji je dostavio najpovoljnije ponudu za vozilo .

7.6. Ako se na poziv za licitirano vozilo odazove samo jedan ponuditelj sa prihvatljivom ponudom Komisija ga proglašava pobjednikom javnog nadmetanja- licitacije.

7.7. Ako se prijavi dva ili više ponuditelja s prihvatljivom ponudom i istom cijenom, koja je ujedno i najveća cijena ponude, Predsjednik Komisije će proglasiti za pobjednika javnog nadmetanja ponuditelja koji je ranije dostavio ponudu po datumu i vremenu prijemnog pečata.

8. OBAVEZE KUPCA

8.1. Ponuditelj, odnosno kupac, koji bude odabran kao najuspješniji, dužan je pristupiti zaključenju ugovora o kupoprodaji u roku od 5 dana od dana zaključenja licitacije te uplatiti puni iznos postignute konačne cijene za kupljeni automobil odmah po potpisivanju kupoprodajnog ugovora .

8.2. Kupac će uplatu izvršiti na slijedeći način:

-Primatelj: Jedinstveni račun trezora, otvoren kod „Unicredit bank „d.d. „broj računa: 338100 2200 424167, svrha doznake „Kupovina službenog vozila Skupštine HNK.“

Broj poreznog obveznika: trinaestoznamenasti ID broj pravne osobe, ukoliko uplatu vrši pravna osoba ili JMBG ukoliko uplatu vrši fizička osoba.

8.3. Sve poreze i troškove oko transporta i prijenosa vlasništva snosi kupac.

8.4. Primopredaja vozila izvršit će se odmah po predocjenju dokaza o izvršenoj uplati kupoprodajne cijene.

8.5 Ukoliko kupac ne uplati utvrđeni iznos ili ne pristupi zaključenju ugovora o kupoprodaji u ostavljenom roku, smatrat će se kako je odustao od kupovine, a zaključenje ugovora o kupoprodaji će se ponuditi sljedećem najpovoljnijem ponuditelju. Uplaćena kaucija od 10% neće biti vraćena .

8.6 Sve poreze i troškove oko transporta i prijenosa vlasništva snosi kupac.

9. DODATNE INFORMACIJE

9.1. Sve dodatne informacije u vezi javnog nadmetanja-licitaciji mogu se dobiti od 05.04.2016. do 19.04.2016. godine (ne računajući dane vikenda) u vremenu od 10-13 sati na broj telefona 036 326-162, kontakt osoba Darko Buntić.

9.2. Sudionicima u postupku javnog nadmetanja-licitacije čije ponude ne budu prihvaćene uplaćena kaucija od 10% bit će vraćena jedan sat nakon završetka licitacije na blagajni, dok će uplaćena kaucija najpovoljnijeg ponuditelja biti vraćena nakon predočenja dokaza o izvršenoj uplati punog iznosa ponuđene cijene i dokaza o izvršenom prijenosu vlasništva.

9.3. Skupština zadržava pravo da prihvati ili odbije ponude, obustavi ili poništi prodaju službenog motornog vozila po ovom oglasu u bilo kojoj fazi javne licitacije, sve do trenutka uplate kupoprodajne cijene .

9.4. Javni oglas objavit će se u „Dnevnom Avazu“, „Dnevnom listu“ i na web stranici Skupštine HNK.

Prilog: Obrazac za cijenu ponude

OBRAZAC ZA CIJENU PONUDE

Ponuda za kupovinu automobila broj _____

Marka automobila _____

Naziv pravne osobe ili ime (ime oca) i prezime fizičke osobe

Adresa sjedišta/prebivališta

Broj telefona

ID BROJ (za pravnu osobu) ili JMB (za fizičku osobu)

Ponuda: _____ KM

Slovima: _____ konvertibilnih maraka

POTPIS: _____

M.P.

(za pravnu osobu)

Napomena: Uz ponudu obvezno dostaviti:

- a) Za fizičku osobu - ovjerenu presliku osobne iskaznice
- b) Za pravnu osobu - ovjerenu presliku izvoda iz sudskog registra
- c) Dokaz o uplati depozita

Temeljem Odluke Vlade HNK, broj: 01-1-02-342/16 od 18.02.2016.godine, a nakon provedenog javnog nadmetanja putem zatvorenih pisanim ponuda objavljenog u dnevnom tisku: Dnevni Avaz i Dnevni List i na web stranici Skupštine www.skupstina-hnz-k.ba dana 05.04.2016. godine, ugovorne strane:

Skupština HNK, ulica Jakova Baruha Španca broj 2, 88 000 Mostar, koju zastupa predsjedavajući Skupštine Šerif Špago i sekretar Skupštine Željka Čule, u daljnjem tekstu „Prodavatelj“

i

_____ iz _____, JMB: _____ u daljnjem tekstu „Kupac“

z a k l j u č u j u

UGOVOR

o prodaji putničkog automobila

I

Predmet ovog ugovora je prodaja putničkog automobila slijedećih karakteristika: Marke Audi A6, Limuzina, godine proizvodnje 1998, snage 121 KW i zapremina motora: 2393 cm³, broj šasije WAU224BZWN181936, pogonsko gorivo benzin, pređeni km 270,000.

II

Cijena motornog vozila iz članka I. ovog Ugovora iznosi _____,00 KM.

III

Kupac je dužan uplatiti Prodavatelju konačnu cijenu za putnički automobil u roku od 3 dana računajući od dana potpisivanja ovog ugovora.

IV

Preuzimanje motornog vozila se može izvršiti odmah po uplati postignute konačne cijene.

V

Kupac izjavljuje da je automobil pregledao i da isti nema nikakvih nedostataka, da je kupljeno po principu „zatečenog stanja“ tj. „viđeno-kupljeno“ pa se isključuje Prodavateljeva odgovornost za očigledne materijalne nedostatke.

VI

Prodavatelj izjavljuje da su identifikacijske oznake (broj motora, broj šasije) nepromijenjene uključujući i pređenu kilometražu.

VII

Prodavatelj će saobraćajna dozvolu kao i sva ostala pripadajuća dokumenta predati Kupcu prilikom predaje motornog vozila u posjed.

VIII

Kupac se obavezuje da u roku od 8 dana od primanja motornog vozila u posjed obavi prenos prava vlasništva predmetnog automobila na svoje ime.

IX

Ugovor stupa na snagu danom potpisivanja i ovjere ugovora od strane ovlaštenih predstavnika ugovornih strana.

X

Sve eventualne nesporazume i sporove koji bi mogli nastati iz ovog ugovora ugovorne strane će nastojati usuglasiti u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješavanje eventualnog spora u smislu stavka 1. ovog članka nadležan je sud u Mostaru

XI

Ovaj ugovor sačinjen je u 4 istovjetnih primjeraka od kojih svaka ugovorna strana zadržava po 2 (dva) primjerka.

Kupac

Prodavatelj

Broj: _____/16

Mostar, _____ 2016. godine